

湯藥以自活命迦葉汝觀彼破戒菩薩住不
 淨戒自稱多聞迦葉彼破戒人不誦經典供
 養形像因而自活尔時摩訶迦葉白佛言世
 尊希有世尊希有善逝世尊廣說愚癡凡夫
 諛曲之失世尊若有善男子善女人聞如是
 說何有不住清淨之戒世尊願於未來此法

久住令彼善男子善女人聞已慙愧如來知
 我如來覺我所作邪法求令休息尔時世尊
 告摩訶迦葉如來所說為善男子聞我此法
 修行離惡我為此人說如是法尔時世尊說
 此經已摩訶迦葉彌帝鉢菩薩文殊師利童
 子一切世間天人阿脩羅乾闥婆等聞佛所
 說皆大歡喜

大寶積經卷第八十九

始

澡洗上音早亦作澌鐵鏝下音業鐵薄也銜賣上音縣日也竹

鞞下羽鬼反蓋娛樂上音愚也瞻眄下音麵也殞絕上音也

大寶積經卷第九十

始十

大唐三藏法師菩提流志奉 詔譯

優波離會第二十四

如是我聞一時佛在舍衛國祇樹給孤獨園
 與大比丘眾千二百五十人俱菩薩摩訶薩
 五十萬人尔時世尊如龍象王顧視觀察告
 諸菩薩摩訶薩言善男子汝等誰能於後末
 世護持正法攝受如來百千萬億那由他阿
 僧祇劫所集阿耨多羅三藐三菩提法安住
 祕密法 方便成熟眾生尔時彌勒菩薩即
 從座起偏袒右肩右膝著地合掌白言世尊
 我能堪任於後世時護持如來百千萬億那

由他阿僧祇劫所集阿耨多羅三藐三菩提
法師子慧菩薩曰我能堪任安住祕密種種
方便成熟衆生無盡意菩薩曰我能堪任以
廣大願度脫無盡諸衆生界跋陀羅菩薩曰
我能堪任令諸衆生得聞我名皆悉成熟無
空過者妙德菩薩曰我能堪任於諸衆生隨
所願求悉令滿足無畏菩薩曰我能堪任攝
受無邊世界衆生而作饒益金剛菩薩曰我
能堪任於惡趣中度諸衆生令得解脫除障
菩薩曰我能堪忍解脫衆生煩惱繫縛智幢
菩薩曰我能堪任滅除衆生無明闇蔽法幢
菩薩曰我能堪忍常行法施度脫衆生日幢
菩薩曰我能堪任恒以安樂成熟衆生月幢
菩薩曰我能堪忍以諸功德成熟衆生善眼
菩薩曰我能堪任與諸衆生自性安樂觀自
在菩薩曰我能堪任於諸惡趣拔濟衆生得
大勢菩薩曰我能堪任度諸惡趣未度衆生
普賢菩薩曰我能堪忍令諸衆生憶念過去

經歷受苦便得解脫善數菩薩曰我能堪任
調伏一切難調衆生妙意菩薩曰我能堪任
樂小法者度令成熟善順菩薩曰我能堪任
成熟下劣少智衆生光積菩薩曰我能堪任
拔濟墮於畜生趣者令得解脫不思議菩薩
曰我能堪任愍念成熟餓鬼衆生令得解脫
大威力菩薩曰我能堪任為諸衆生閉惡趣
門無諍論菩薩曰我能堪任為諸衆生示解
脫道賢吉祥菩薩曰我能堪任究竟斷除衆
生苦惱月光菩薩曰我能堪任與諸衆生畢
竟安樂日光菩薩曰我能堪任於諸衆生未
純熟者令得成熟無垢菩薩曰我能堪任令
諸衆生所有志樂皆得圓滿斷疑菩薩曰我
能堪任度脫一切下劣衆生無畏菩薩曰我
能堪任攝受衆生稱讚利益慧勝菩薩曰我
能堪任隨順種種勝解衆生皆得成熟光明
菩薩曰我能堪任恒以正勤拔濟衆生無量
菩薩曰我能堪任為諸衆生於一切法示無

為道無畏菩薩曰我能堪任隨諸眾生種種志樂皆能示現寶勝菩薩曰我能堪任示諸眾生妙珍寶聚妙慧菩薩曰我能堪任令諸眾生見者歡喜皆得成熟寶藏菩薩曰我能堪任度脫眾生離諸障礙寶賢菩薩曰我能堪任令諸眾生自識宿命皆得成就寶手菩

薩曰我能堪任以諸珍寶惠施眾生令得安樂勝意菩薩曰我能堪任令諸眾生永離貧窮喜見菩薩曰我能堪任施諸眾生一切樂具金剛菩薩曰我能堪任為諸眾生開示正道福相菩薩曰我能堪任悅可眾心令得度脫法超菩薩曰我能堪任淨除眾垢而演說

法無垢菩薩曰我能堪任愛護眾生悉令成熟法現菩薩曰我能堪任常以正法度脫眾生空寂菩薩曰我能堪任令諸眾生滅煩惱毒月勝菩薩曰我能堪任為諸眾生示法方所師子意菩薩曰我能堪任常以法施利益眾生童子光菩薩曰我能堪任從卑下處拔

卅

三

出眾生覺吉祥菩薩曰我能堪任開示正道閉惡趣門金光菩薩曰我能堪任示現身相成熟眾生吉祥菩薩曰我能堪任與諸眾生常作利益持世菩薩曰我能堪任為諸眾生閉地獄門甘露菩薩曰我能堪任令諸眾生越度生死網明童子曰我能堪任於後末世

為諸眾生示現光明滅除煩惱尔時舍利弗聞諸菩薩作如是等勇猛弘誓成熟眾生歡未曾有白佛言希有世尊此諸菩薩摩訶薩不可思議具足大悲方便善巧勇猛精進而自莊嚴一切眾生無能測量不可沮壞所有光明無能障蔽世尊我當稱讚是諸菩薩未曾有事所謂堪任有來求索頭目耳鼻身體手足一切諸物無所吝惜世尊我常思惟若有人能逼迫如是諸菩薩等從其求索若內若外一切財物心無怯弱當知皆是不可思議解脫菩薩佛言舍利弗如是如是如汝所言是諸菩薩智慧方便三昧境界一切聲聞

及辟支佛所不能知舍利弗此諸菩薩摩訶
薩能現諸佛神通變化滿足衆生諸所欲樂
而於諸法心無所動若有衆生樂爲居士憍
慢放逸菩薩爾時爲成熟故現大居士威德
之身而爲說法若有衆生恃大勢力而自憍
慢菩薩爾時爲調伏故現那羅延大力之身
而爲說法若有衆生志求涅槃菩薩爾時爲
度脫故現聲聞身而爲說法若有衆生樂觀
緣起菩薩爾時爲度脫故現緣覺身而爲說
法若有衆生志求菩提菩薩爾時爲度脫故
即現佛身令入佛智如是舍利弗是諸菩薩
種種方便成就衆生悉令安住於佛法中所
以者何唯有如來智慧解脫究竟涅槃更無
餘乘而得度脫以是義故名爲如來如來如
實覺了如故故名如來知諸衆生種種欲樂
悉能示現故名如來成就一切善法根本斷
於一切不善根本故名如來能示衆生解脫
之道故名如來能令衆生遠離邪道住於正

第十

四

道故名如來演說諸法真實空義故名如來
舍利弗菩薩如是知諸衆生種種志樂隨應
說法令得解脫爲諸愚夫開示實智不動法
界能現種種幻化莊嚴令諸衆生次第當得
趣涅槃岸復次舍利弗在家菩薩住於慈愍
不惱害心應修二施何者爲二一者法施二
者財施出家菩薩應修四施何等爲四一者
筆施二者墨施三者經本施四者說法施無
生法忍菩薩應住三施何謂爲三所謂王位
布施妻子布施頭目支分悉皆布施如是施
者名爲大施名極妙施舍利弗白佛言世尊
是諸菩薩於貪瞋癡不怖畏耶佛言舍利弗
一切菩薩有二犯戒何等爲二一者瞋相應
犯二者癡相應犯如是二犯名大破戒舍利
弗因貪犯者爲過微細難可捨離因瞋犯者
爲過重易可捨離因癡犯者爲過深重複
難捨離所以者何貪結能爲諸有種子生死
蔓延連持不絕以是義故微細難斷因瞋犯

者墮於惡趣可速除斷因癡犯者當墮八種
 大地獄中難可解脫復次舍利弗若有菩薩
 犯波羅夷者應對清淨十比丘前以質直心
 殷重懺悔犯僧殘者對五淨僧殷重懺悔若
 為女人染心所觸及因相顧而生愛著應對
 一二清淨僧前殷重懺悔舍利弗若諸菩薩

第十

五

成就五無間罪犯波羅夷或犯僧殘戒犯塔
 犯僧及犯餘罪菩薩應當於三十五佛前晝
 夜獨處殷重懺悔應自稱云我某甲歸依佛
 歸依法歸依僧

- | | |
|---------|---------|
| 南無釋迦牟尼佛 | 南無金剛不壞佛 |
| 南無寶光佛 | 南無龍尊王佛 |
| 南無精進軍佛 | 南無精進喜佛 |
| 南無寶燄佛 | 南無寶月光佛 |
| 南無不空見佛 | 南無寶月佛 |
| 南無無垢佛 | 南無離垢佛 |
| 南無勇施佛 | 南無清淨佛 |
| 南無清淨施佛 | 南無婆留那佛 |

- | | |
|------------|---------|
| 南無水天佛 | 南無堅德佛 |
| 南無栴檀功德佛 | 南無無量掬光佛 |
| 南無光德佛 | 南無無憂德佛 |
| 南無那羅延佛 | 南無功德花佛 |
| 南無蓮花光遊戲神通佛 | |
| 南無財功德佛 | 南無德念佛 |

- | | |
|--------------|---------|
| 南無善名稱功德佛 | 南無紅炎幢王佛 |
| 南無善遊步功德佛 | |
| 南無闍戰勝佛 | 南無善遊步佛 |
| 南無周匝莊嚴功德佛 | 南無寶花遊步佛 |
| 南無寶蓮花善住娑羅樹王佛 | |

如是等一切世界諸佛世尊常住在世是諸
 世尊當慈念我若我此生若我前生從無始
 生死已來所作眾罪若自作若教他作見作
 隨喜若塔若僧若四方僧物若自取若教他
 取見取隨喜五無間罪若自作若教他作見
 作隨喜十不善道若自作若教他作見作隨
 喜所作罪障或有覆藏或不覆藏應墮地獄

餓鬼畜生諸餘惡趣邊地下賤及彌戾車如是等處所作罪障今皆懺悔今諸佛世尊當證知我當憶念我我復於諸世尊前作如是言若我此生若於餘生曾行布施或守淨戒乃至施與畜生一搏之食或修淨行所有善根成就衆生所有善根修行菩提所有善根

始十

六

及無上智所有善根一切合集校計籌量皆悉迴向阿耨多羅三藐三菩提如過去未來現在諸佛所作迴向我亦如是迴向

衆罪皆懺悔 諸福盡隨喜 及請佛功德 願成無上智 去來現在佛 於衆生最勝 無量功德海 我今歸命禮

如是舍利弗菩薩應當一心觀此三十五佛而爲上首復應頂禮一切如來應作如是清淨懺悔菩薩若能滅除此罪亦時諸佛即現其身爲度一切諸衆生故示現如是種種之相而於法界亦無所動隨諸衆生種種樂欲悉令圓滿皆得解脫復次舍利弗菩薩若入

大悲三昧則能示現地獄畜生閻魔羅界成熟衆生菩薩若入大莊嚴三昧則能示現長者之身成熟衆生若入殊勝三昧則能示現轉輪王身成熟衆生若入熾然威光三昧則能示現帝釋梵王殊妙色身成熟衆生菩薩若入一向三昧則能示現聲聞之身成熟衆

生菩薩若入清淨三昧則能示現辟支佛身成熟衆生菩薩若入寂靜三昧則能示現諸佛色身成熟衆生菩薩如是入一切法自在三昧隨其志樂現種種身成熟衆生或現帝釋身或現梵王身或現轉輪聖王身皆爲成熟諸衆生故而於法界亦無所動何以故菩

始十

七

薩雖復隨順衆生種種示現不見身相及衆生相無所得故舍利弗於意云何如師子王大哮吼時諸小野干能堪任不舍利弗言不也世尊又舍利弗如大香象其所負重驢堪任不不也世尊又如帝釋及梵天王威德自在貧賤之人能堪任不不也世尊又如大力

金翅鳥王翱翔運動諸餘小鳥能堪任不不也世尊佛言舍利弗是諸菩薩所有善根勇猛之力依出離智淨諸罪垢遠離憂悔得見諸佛及得三昧亦復如是如斯罪障非諸凡夫聲聞緣覺所能除滅菩薩若能稱彼佛名晝夜常行是三種法能滅諸罪遠離憂悔得

諸三昧尔時優波離從禪定起往詣佛所頂禮佛足右遶三匝却住一面向佛言世尊我於靜處獨坐思惟作如是念世尊所說波羅提木又清淨戒學為聲聞緣覺菩薩乘者作是說言寧捨身命終不捨戒世尊若佛在世若滅度後云何名為聲聞緣覺波羅提木又

云何名為菩薩乘者波羅提木又世尊說我於持律中最為第一我當云何能了毗尼善巧之義若我從佛親聞受持速無所畏然後乃能為他廣說今此大眾諸來菩薩及比丘僧悉皆集會善哉世尊惟願廣說決定毗尼斷除疑悔尔時世尊告優波離汝今當知聲

聞菩薩學清淨戒所發心所修行異優波離有聲聞乘持清淨戒於菩薩乘名大破戒有菩薩乘持清淨戒於聲聞乘名大破戒云何名為聲聞乘人雖持淨戒於菩薩乘名大破戒優波離聲聞乘人乃至不應起於一念更受後身是名聲聞持清淨戒然於菩薩名大

破戒云何菩薩持清淨戒於聲聞乘名大破戒菩薩摩訶薩修行大乘能於無量阿僧祇劫堪忍受身不生厭患是名菩薩持清淨戒於聲聞乘名大破戒以是義故為菩薩乘說不盡護戒為聲聞乘說盡護戒為諸菩薩說開遮戒為諸聲聞說唯遮戒為菩薩乘說深

始十

心戒為聲聞乘說次第戒云何菩薩持不盡護戒聲聞乘者持盡護戒菩薩乘人雖持淨戒於諸眾生應當隨順聲聞乘人不應隨順是故菩薩持不盡護戒聲聞乘人持盡護戒云何名為菩薩持開遮戒聲聞乘人持唯遮戒若諸菩薩於大乘中發趣修行日初分時

有所犯戒於日中分不離一切智心如是一菩薩戒身不壞若日中分有所犯戒於日後分不離一切智心如是一菩薩戒身不壞若日後分有所犯戒於夜初分不離一切智心如是一菩薩戒身不壞若夜初分有所犯戒於夜中分不離一切智心如是一菩薩戒身不壞若夜

中分有所犯戒於夜後分不離一切智心如是一菩薩戒身不壞若夜後分有所犯戒於日初分不離一切智心如是一菩薩戒身不壞以是義故菩薩乘人持開遮戒設有所犯不應失念妄生憂悔自惱其心於聲聞乘有所犯者便為破壞聲聞淨戒何以故聲聞持戒斷

除煩惱如救頭然所有志樂但求涅槃以是義故名聲聞乘持唯遮戒復次優波離云何菩薩持深入戒聲聞乘人持次第戒菩薩乘人於恒沙劫受五欲樂遊戲自在未曾捨離菩提之心如是菩薩不名失戒所以者何菩薩善能守護安住菩提之心乃至夢中一切

始十

九

結使不為其患而是菩薩所有煩惱漸漸當盡不應一生便盡諸結聲聞乘者成熟善根如救頭然乃至一念不喜受生以是義故大乘之人持深入戒說有開遮名不盡護聲聞乘人持次第戒名曰唯遮名為盡護何以故優波離求大乘者於阿耨多羅三藐三菩提

甚為難得具大莊嚴乃能成就是故菩薩雖於無量阿僧祇劫往來生死終不生於厭離之心以是義故如來觀察為大乘人不應一向說厭離法不應一向說於速證涅槃之法應當為說慈喜相應甚深微妙無染之法遠離憂悔無繫著法無障無礙性空之法菩薩聞已於生死中而無厭倦決定圓滿無上菩提今時優波離白佛言世尊若有菩薩貪心相應而犯於戒或有菩薩瞋心相應而犯於戒或有菩薩癡心相應而犯於戒世尊如是菩薩於三犯中何者為重今時世尊告優波離言若諸菩薩修行大乘如恒沙劫貪心相

應而犯戒者其罪尚輕若一瞋心而犯於戒其罪甚重何以故因貪犯戒攝受眾生因瞋犯戒棄捨眾生優波離所有諸結能攝眾生菩薩於此不應生畏所有諸結能捨眾生菩薩於此應生怖畏優波離如佛所說貪欲難捨為過微細瞋恚易捨為過鹿重癡難捨離

過復鹿重優波離於煩惱中若難捨離小犯之罪是諸菩薩應當堪忍若易捨離大犯之罪如是煩惱乃至夢中不應忍受以是義故大乘之人因貪犯戒我說是人不名為犯因瞋犯戒為大犯戒名大過患名大墮落於佛法中是大留難優波離若諸菩薩於毗尼中

無善方便貪相應犯便生怖畏瞋相應犯不生怖畏若諸菩薩於毗尼中有善方便貪相應犯不生怖畏瞋相應犯生大怖畏爾時文殊師利法王子在大眾中白佛言世尊一切諸法畢竟毗尼何所調伏佛告文殊師利若諸凡夫了知諸法究竟毗尼如來終不說於

始十

十

調伏以不知故如來為令覺了諸法畢竟毗尼漸次為說諸毗尼法爾時優波離白佛言世尊如來說此決定毗尼文殊師利於是法中未有所說善哉世尊願令文殊師利為少解說佛告文殊師利汝今當說究竟毗尼善巧之義是優波離願樂欲聞爾時文殊師利

法王子語優波離言一切諸法畢竟寂滅心寂滅故名究竟毗尼一切諸法我不可得無染著故名不悔毗尼一切諸法本性清淨無顛倒故名最勝毗尼一切諸法如如實際離諸見故名清淨毗尼一切諸法不來不去無分別故名不思議毗尼一切諸法無住無著

念念滅故名淨諸趣毗尼一切諸法住虛空際離諸相故名自性遠離毗尼一切諸法無去來今不可得故名三世平等毗尼一切諸法不可安立心平等故名永斷疑惑毗尼優波離是名法界究竟毗尼諸佛世尊依此成道若善男子於是法中不善觀察則為遠離

如來淨戒時優波離白佛言世尊文殊師利
所說諸法不可思議尔時世尊告優波離言
文殊師利所說之法依不可思議無礙解脫
以是義故凡所說法離諸心相謂心解脫增
上慢人今得離於增上慢故優波離白佛言
世尊云何聲聞及菩薩乘增上慢者佛告優

始十

十一

波離若有比丘作是思惟我斷貪欲名增上
慢我斷瞋恚及以愚癡名增上慢貪欲法異
諸佛法異名增上慢瞋恚法異諸佛法異名
增上慢愚癡法異諸佛法異名增上慢謂有
所得名增上慢謂有所證名增上慢謂有解
脫名增上慢見諸法空名增上慢見於無相
名增上慢見於無願名增上慢見於無生名
增上慢見無所作名增上慢見有諸法名增
上慢見法無常名增上慢謂諸法空何用修
習名增上慢優波離是名聲聞乘人增上慢
者云何名爲菩薩乘人增上慢者若諸菩薩
作是思惟我當發心求一切智名增上慢我

當修行六波羅蜜名增上慢唯依般若波羅
蜜而得解脫更無餘法而得出離名增上慢
此法甚深此非甚深名增上慢此法是淨此
法非淨名增上慢此諸佛法此緣覺法此聲
聞法名增上慢此法應作此不應作名增上
慢此是深法此非深法名增上慢此是近法

此非近法名增上慢此是正道此是邪道名
增上慢我於阿耨多羅三藐三菩提爲疾得
耶不疾得耶名增上慢一切諸法不可思議
無能知者我能了知名增上慢乃至於不可
思議阿耨多羅三藐三菩提而起思惟爲大
執著是名菩薩增上慢者尔時優波離白佛
言世尊云何比丘離增上慢佛告優波離若
於一切不思議法無所執著是名究竟無增
上慢尔時世尊欲重宣此義而說偈言
一切戲論從心起 不應分別法非法
如是見法不思議 彼人處世常安樂
凡夫迷惑隨心轉 多劫輪迴諸有中

若知法性皆無性 是名真實不思議
 若有比丘念諸佛 非善思惟非正念
 於佛妄生分別想 而此分別無真實
 若有思惟於空法 如是凡夫住邪道
 但以文字說於空 文字與空何可得
 若有思惟寂靜法 是心非有本無生

始十

十二

心行覺觀皆戲論 無念名為見諸法
 一切諸法無思念 有心有念盡皆空
 若人愛樂觀察空 於此無念勿生念
 法同草木無知覺 若離於心不可得
 衆生自性無所有 一切諸法皆如是
 如因日光眼能見 夜則緣離無所覩

若眼自能見色者 何故待緣方能了
 眼常因彼諸光明 能見種種青黃色
 當知見性依衆緣 是故知眼不能見
 設有聞諸悅意聲 聞已即滅而無住
 推其去處不可得 以分別故生聲想
 一切諸法但言聲 文字於中假安立

是聲無有法非法 凡愚不知妄生著
 我為世間歎布施 而施根本不可得
 無所說中而演說 是故佛法不思議
 我常歎說持淨戒 亦無衆生破戒者
 破戒之性猶虛空 清淨持戒亦如是
 我說忍辱為最勝 無見無生為忍性

實無少法可瞋者 由是說名殊勝忍
 我說晝夜常精進 寤寐恒覺為無上
 雖經多劫勤修行 然於所作無增減
 禪定解脫及三昧 開示世間如實門
 法性本來無所動 隨順假說諸禪定
 觀察覺了名智慧 了知諸法名智人

始十

十三

諸法自性無所有 亦無觀察了知者
 我常歎說修苦行 愛樂頭陀寂靜法
 能知諸法不可得 是名清淨知足人
 我說地獄諸苦事 死入大怖惡道中
 無量衆生起厭心 實無惡趣可來往
 刀仗鋒稍衆苦具 亦無有能造作者

由分別故而見有
園林種種妙花敷
亦無有人能作者
虛偽之法誑世間
猶如分別諸幻焰
我說發趣菩提心

無量楚毒迫其身
宮殿衆寶相輝映
皆從分別妄心生
凡夫繫著生顛倒
於此取捨悉皆空
利益世間最殊勝

而實菩提不可得
心性清淨常光明
凡夫分別生貪著
諸法自性常寂靜
不見生貪離欲處
了知諸法如虛空

亦無發趣菩提者
真實無偽無塵染
而彼煩惱本來空
何有貪欲及瞋癡
尔乃名為得涅槃
常處世間無所畏

其心未曾生染著
於無數劫修衆行
衆生自性不可得
譬如世間大幻師
還復害此諸化人
一切衆生如幻化

由是成就大菩提
度脫無量諸衆生
實無衆生可度者
化作無邊千億衆
於此幻化無增損
求其邊際不可得

若知如是無邊性
了知諸法如實相
於諸欲中實無染
大悲利益諸衆生
不見衆生而利益
如以空拳誘小兒

斯人處世無疲歇
常行生死即涅槃
調伏衆生言離欲
而實無人無壽者
當知此事甚為難
示言有物令歡喜

開手拳空無所見
如是諸佛難思議
了知法性無所有
以大慈悲勸說言
汝應出家捨恩愛
既已出家勤修習

小兒於此復號啼
善巧調伏衆生類
假名安立示世間
於我法中最安樂
當得沙門殊勝果
如所修行得涅槃

復觀諸法如實相
果無所有而得證
快哉大悲人師子
一切諸法如虛空
或說名為禪解脫
而此根力本無生

實無諸果而可得
於此方生希有心
善說相應如實法
安立百千名句義
或名根力或菩提
禪定菩提亦非有

無色無形不可取
 我說修行有所證
 若謂於中有所得
 諸法自性無所有
 所說得證為無得
 衆生得果名殊勝

但以方便示衆生
 當知遠離一切相
 是則非證沙門果
 當於何處言得證
 如是了知乃名得
 我說衆生本不生

尚無衆生而可得
 譬如良田無種子
 如是衆生不可得
 一切衆生性寂滅
 若能了知如是法
 過去無數百千佛

云何當有得果者
 於中終不有芽生
 當於何所而言證
 無有得其根本者
 斯人滅度求無餘
 無有能度衆生者

若此衆生真實有
 一切諸法皆寂滅
 若能如是見諸法
 是則無礙佛菩提
 若能了知如是法

畢竟無能得涅槃
 未曾有法可生者
 彼人已出於三界
 於中究竟無所有
 我說名爲離欲人

尔時世尊說此偈已二百比丘增上慢者諸

漏來盡心得解脫六萬菩薩得無生忍尔時
 優波離白佛言世尊當何名此經我等云何
 奉持佛告優波離此經名為決定毗尼亦名
 摧滅心識汝應受持佛說此經已尊者優波
 離諸比丘衆文殊師利并諸菩薩摩訶薩及
 一切世間天人阿脩羅等聞佛所說皆大歡

喜信受奉行

上素

大寶積經卷第九十

始十

大寶積經卷第九十一

制一

大唐三藏法師菩提流志奉詔譯

發勝志樂會第二十五之一

釋

如是我聞一時佛在波羅柰城仙人住處施
 鹿苑中與大比丘衆滿足千人復有五百諸
 菩薩衆是時衆中多有菩薩業障深重諸根

一